



Broj: 10/E-11-6468/24
Sarajevo, 05-11-2024. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke: Usluge redovnih pregleda, održavanja i unapređenja sistema vatrodajave i automatskog gašenja zgrade Općine Centar Sarajevo, objekata mjesnih zajednica i drugih objekata u vlasništvu Općine Centar Sarajevo (Zapisnik o pregledu i ocjeni ponuda broj: 10/E-11-6468/24 od 30.10.2024. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača **“ARCUS” d.o.o. Sarajevo**, ulica Bulevar Meše Selimovića broj 81A, 71000 Sarajevo, broj: 442-D-2024 od 21.10.2024. godine, za usluge redovnih pregleda, održavanja i unapređenja sistema vatrodajave i automatskog gašenja zgrade Općine Centar Sarajevo, objekata mjesnih zajednica i drugih objekata u vlasništvu Općine Centar Sarajevo, putem otvorenog postupka, sa cijenom u ukupnom iznosu od **64.094,54 KM bez PDV-a**, odnosno **74.990,61 KM sa PDV-om**.
- II.** Ugovorni organ će sa izabranim ponuđačem zaključiti okvirni sporazum za period trajanja od 3 (tri) godine, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak za javnu nabavku usluga redovnih pregleda, održavanja i unapređenja sistema vatrodajave i automatskog gašenja zgrade Općine Centar Sarajevo, objekata mjesnih zajednica i drugih objekata u vlasništvu Općine Centar Sarajevo, pokrenut je Odlukom Općinskog načelnika o pokretanju postupka javne nabavke, putem otvorenog postupka, broj: 10/E-11-6468/24 od 02.10.2024. godine.

Predmet nabavke nije podijeljen na lotove.

Obavještenje o nabavci 848-1-2-115-3-184/24 od 07.10.2024. godine je objavljeno na Portal javnih nabavki (www.ejn.gov.ba), a sažetak obavještenja o nabavci je objavljen u “Službenom glasniku BiH”, broj 69/24 – Oglasnik javne nabavke.

Procijenjena vrijednost javne nabavke iznosi **64.100,00 KM** bez PDV-a.

U roku za predaju ponuda koji je određenom tenderskom dokumentacijom (29.10.2024. godine do 11:00 sati), na adresu Ugovornog organa primljena je 1 (jedna) ponuda dostavljena od ponuđača: „**ARCUS**“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon) Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave pročitana je cijena ponude kako slijedi:

R/b	Ponuđač	Ukupna cijena (A+B+C+D)* bez PDV-a (KM)	Popust	Ukupno (A+B+C+D)* sa popustom i PDV-om (KM)
1.	„ARCUS“ d.o.o. Sarajevo	64.094,54	/	74.990,61

**Pri čemu je prema Obrascu za cijenu ponude A) Ukupno zakonsko ispitivanje sistema za 36 mjeseci; B) Ukupno rekonstrukcija i unapređenje sistema; C) Ukupno servisne intervencije i D) Rezervni dijelovi*

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija II je jednoglasno ustanovila da dostavljena ponuda ponuđača „**ARCUS**“ d.o.o. Sarajevo ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve Ugovornog organa za predmetnu nabavku, kao i da je prihvatljiva u smislu Zakona o javnim nabavkama.

Detaljnom računskom provjerom ispravnosti ponude navedenog ponuđača „**ARCUS**“ d.o.o. Sarajevo, Komisija II je utvrdila da je podnesena ponuda računski ispravna, te da je ispravno obračunata ukupna cijena ponude sa PDV-om.

Na osnovu pregleda i detaljne analize prihvatljive ponude, Komisija II je primjenom tenderskom dokumentacijom utvrđenog kriterija za dodjelu ugovora „najniža cijena“, a u skladu sa članom 64. stav (1) tačka b) Zakona o javnim nabavkama, izvršila ocjenu i rangiranje ponude kako slijedi:

Rang	Ponuđač	Ukupna cijena (A+B+C+D)* bez PDV-a (KM)
1.	„ARCUS“ d.o.o. Sarajevo	64.094,54

Shodno svemu naprijed izloženom Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača „**ARCUS**“ d.o.o. Sarajevo, ulica Bulevar Meše Selimovića broj 81A, 71000 Sarajevo, broj: 442-D-2024 od 21.10.2024. godine, sa cijenom u ukupnom iznosu od **64.094,54 KM bez PDV-a**, odnosno **74.990,61 KM sa PDV-om**, kao najpovoljnije za usluge redovnih pregleda, održavanja i unapređenja sistema vatrodajave i automatskog gašenja zgrade Općine Centar Sarajevo, objekata mjesnih zajednica i drugih objekata u vlasništvu Općine Centar Sarajevo, sa kojim će biti zaključen okvirni sporazum na period trajanja od 3 (tri) godine.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 1.200,00 KM u skladu sa članom 108. stav (1) tačka b) Zakona o javnim nabavkama.

Dokaz o plaćenju naknadi za pokretanje žalbenog postupka u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
broj: 10/E-11-6468/24 od 30.10.2024. godine



OPŠTINSKI NAČELNIK

Srdan Mandić

Dostaviti:

1. Ponuđaču: "ARCUS" d.o.o. Sarajevo
ulica Bulevar Meše Selimovića broj 81A, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. U spis